



Na osnovu člana 80. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona broj: 4/12), člana 146. Statuta Univerziteta, te odluka Senata Univerziteta, uz saglasnost Ministarstva obrazovanja, nauke, kulture i sporta HNK, Univerzitet "Džemal Bijedić" u Mostaru broj: 05-03-34-2353-1/21 od 6.12.2021. godine objavljuje

KONKURS

za upis 25 DL studenata u prvu godinu drugog ciklusa studija na Fakultetu informacijskih tehnologija Univerziteta "Džemal Bijedić" u Mostaru u akademskoj 2021/2022. godini

1. Konkurs za upis 25 DL studenata u prvu godinu drugog ciklusa studija na Fakultetu informacijskih tehnologija Univerziteta "Džemal Bijedić" u Mostaru u akademskoj 2021/2022. godini ostaje otvoren 15 dana od dana objave.

2. Pravo upisa na II ciklus studija imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati za upis, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

3. Kandidati koji ispunjavaju uslove iz stava (2) ovog člana imaju pravo upisa na studijski program koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje naučno-nastavno vijeće fakulteta/univerzitetskog studija, koji realizuje studijski program diplomskog studija.

Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

4. **Za prijavu na Konkurs** kandidat je dužan predati sljedeće dokumente:

- Zahtjev za upis;
- Diploma ili uvjerenje o završenom prvom ciklusu studija iz odgovarajuće oblasti, odnosno odgovarajuća nostrificirana dokumenta;
- Uvjerenje o položenim ispitima ili dodatak diplomi (original);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Drugi dokumenti u skladu sa Pravilima studiranja na II ciklusu studiju na Univerzitetu "Džemal Bijedić" u Mostaru, objavljenim na web stranici Univerziteta.

Kandidati koji su studije završili u inostranstvu uz prijavu na konkurs podnose obrazovne isprave i rješenje o ekvivalenciji, odnosno nostrifikaciji, a ako je postupak nostrifikacije u toku dostavljaju dokaz o podnesenom zahtjevu. Pravo na upis kandidat stiče nakon donošenja rješenja o nostrifikaciji.

Nepotpune i neblagovremeno podnesene prijave neće se uzimati u razmatranje.

5. Eventualni prijemni ispit obavit će se u terminu, rasporedu i satnici koje će utvrditi Fakultet informacijskih tehnologija, te ga oglasiti na svojim oglasnim pločama i web stranicama uz detaljne informacije o sadržaju i načinu polaganja prijemnog ispita.

6. Kriteriji i mjerila za utvrđivanje redosljeda za prijem kandidata za upis u prvu godinu prvog ciklusa studija na organizacione jedinice/univerzitetske studije Univerziteta "Džemal Bijedić" u Mostaru će biti objavljeni na oglasnoj

ploči i web stranici Fakulteta. Rang listu svih kandidata i spisak primljenih kandidata Fakultet će objaviti na oglasnoj ploči i web stranici nakon što je verificuje nadležni organ.

7. Na objavljenju rang listu kandidati mogu uložiti pismeni prigovor Naučno-nastavnom vijeću Fakulteta u roku od 3 dana od dana objavljivanja iste. Naučno-nastavno vijeće Fakulteta je dužno u roku od 3 dana odlučiti o prigovoru i o tom obavijestiti kandidata. Odluka Naučno-nastavnog vijeća je konačna.

8. Fakultet će na svojim oglasnim pločama i web stranicama objaviti detaljne informacije o mjestu i vremenu predaje dokumenata na Konkurs.

9. Upis studenata koji budu primljeni obaviti će se nakon oglašavanja konačne rang liste primljenih kandidata.

10. Za upis primljeni kandidati podnose:

- upisni i prijavni list (ŠV obrazac)
- upisnicu - index
- dvije fotografije
- ljekarsko uvjerenje o zdravstvenom stanju studenta (izdaje ga odgovarajuća zdravstvena ustanova ne starije od 6 mjeseci)
- dokaz o uplati školarine

KRITERIJI I MJERILA ZA UTVRĐIVANJE REDOSLIJEDA ZA PRIJEM KANDIDATA

Fakultet može odlučiti da kao način provjere znanja i sposobnosti kandidata uvede polaganje prijemnog ispita.

Pravo upisa imaju kandidati sa završenim odgovarajućim dodiplomskim studijem koji se vrednuje sa 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

Kandidati koji ispunjavaju uslove iz stava (1) ovog člana imaju pravo upisa na studijski program na drugom studijskom programu koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće Fakulteta.

Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

Postupak rangiranja kandidata provodi Komisija koju imenuje Naučno-nastavno vijeće Fakulteta.

Komisija je dužna obezbjediti tajnost ispitnog materijala i druge dokumentacije do okončanja eventualnog prijemnog ispita.

Nakon provedene provjere, Komisija je dužna utvrditi rang-listu kandidata i istu istaći na oglasnoj ploči i web stranici Fakulteta, nakon što istu verificuje Naučno-nastavno vijeće Fakulteta.

Na objavljenju rang listu kandidati mogu uložiti pismeni prigovor Naučno-nastavnom vijeću Fakulteta u roku od 3 dana od dana objavljivanja liste. U slučaju da na objavljenju listu ne bude prigovora, ista se smatra konačnom. Ukoliko na objavljenju rang listu pristignu prigovori kandidata naučno-nastavna vijeća utvrđuju konačnu listu, koju objavljuje na web-stranici i oglasnoj ploči narednog dana od dana usvajanja, sa naznakom broja do kojeg su kandidati stekli pravo upisa.

Studenti koji će se upisati u prvu godinu studija akademske 2021/2022. godine kao i studenti ostalih godina studija će plaćati troškove studija u skladu sa Odlukom Upravnog odbora Univerziteta.

Detaljne informacije o mjestu i vremenu predaje dokumenata za upis, kao i druge relevantne informacije, bit će objavljene na oglasnim pločama i web stranicama Fakulteta.